

ԶԱՐՈՒՏԻ ՆԱԿԱՐՅԱՆ

**ԿՈՂԹԻ ԲԱՐԱՎՈՐԻ ՊԱՏԿԵՐԱԳՐԱԿԱՆ
ԱՌԱՆՁՆԱՏԱՏՎՈՒԹՅՈՒՆՆԵՐՆ ՈՒ ԹՎԱԳՐՈՒԹՅՈՒՆՆԸ**

Տավուշի մարզի Կողբ գյուղը հայրնի է իր միջնադարյան հուշարձաններով, որոնք վկայում են բնակավայրի հարուստ պատմական անցյալի մասին: Այս հուշարձանների շարքում հարկապես հեղափոխական են վաղ միջնադարյան նմուշները, որոնց մասին հիշարարկումներ չկան աղբյուրներում, ինչպես նաև չափազանց սակավ են մասնագիտական անդրադարձները:

Կողբ գյուղը, որ գտնվում է համանուն գետի ձախ ափին, վաղ միջնադարում Մեծ Նայքի Գուգարք աշխարհի Կողբավոր գավառի բնակավայրերից էր, ըստ ամենայնի համապատասխանում էր Կողբաքար բերդավանին ու գավառի վարչական կենտրոնին էր: Կողբի մասին վկայություններ ունեն Մովսես Խորենացին¹ և մի քանի այլ աղբյուրներ:

Գյուղի և նրան հարող տարածքից հայրնի են մի քանի վաղքրիստոնեական եկեղեցիներ. Տվարաեղցի (Տվարագեղցի) կոչվող Ե-Ձ դդ. եռանով բազիլիկը՝ նման Քասախին և Աշտարակին², ինչպես նաև գյուղի կենտրոնական մասում գտնվող նույնպես Ե-Ձ դդ. միանով բազիլիկի հիմքը՝ երկու կողմերից բաց արտաքին սրահներով³ (նման Կուրթանին, Զգրաշենին, Բոլնիսին և այլն)⁴: Կողբի վաղմիջնադարյան հուշարձաններից հայրնի են նաև մեծ թվով քանդակագործ քարաբեկորներ՝ քառակող կոթողներ ու եկեղեցու հարդարանքի դրվագներ, որոնք վկայում են շատ հարուստ մշակութային միջավայրի մասին: Մասնավորապես հեղափոխական է գյուղի հյուսիսային կողմի գերեզմանոցի տարածքում գտնվող Ս. Աստվածածին կիսավեր եկեղեցին, որը թեև թվագրվում է ԺԳ դարով⁵, սակայն բացառիկ նշանակություն ունի վաղ միջնադարի համար: Բանն այն է, որ վերջինիս շարվածքի մեջ օգտագործվել և մեզ են հասել քանդակագործ բեկորներ, որոնց մեծ մասը քառակող կոթողներ են⁶: Ս. Աստվածածին եկեղեցու պարի արտաքին հյուսիսարևմտյան մասում ներառված է մի սալաքար, որը կոթողի բեկոր չէ և, ամենայն հավանականությամբ, եկեղեցու մուտքի բարավոր է: Սալաքարը դեղնավուն ֆելզիտային պուֆից է: Նույն որակի և գույնի քարից են կերպված նաև տեղի կոթողների դրվագները: Դա թույլ է տալիս այս բոլոր քանդակագործ բեկորները դիտարկել մեկ ընդհանուր խմբի մեջ⁷: Բայց նախ՝ բարավորի մասին:

1 Տե՛ս **Մովսես Խորենացի**, Պատմություն Նայք (թարգմ. և ծանոթագրություններն Սյր. Մախաչյանցի), Եր., 1968, էջ 138:

2 Տե՛ս **Գ. Շախկյան**, Լոռի. պատմության քարակերպ էջերը, Եր., 1986, էջ 161-162:

3 Տե՛ս **Ն. Եղիազարյան**, Կողբ գյուղի հնագույն տաճարի պեղումները. «Էջմիածին», 1963, Գ, էջ 50-57:

4 Տե՛ս **Գ. Շախկյան**, էջ 162:

5 Տե՛ս անդ:

6 Կոթողները քրեանեղի են մեկ, լավագույն դեպքում՝ երկու կողմից, մինչդեռ կարևոր են դրանց բոլոր չորս նիստերը՝ պարված հարուստ զարդաքանդակներով: Այսպես առկա են կոթողների, հարկապես Գուգարքի կոթողների հարդարանքում լայն կիրառում գտած խորհրդանշական պատկերներ (արմավաճյուղ, վարդյակներ, նշաններ քառաթևեր զարդ, շուշանաձուլիկ, ծաղկաձուլիկ):

7 Կողբի բարավորի վերլուծությունն ու թվագրումը կարևոր է նաև այս կոթողների ուսումնասիրության համար:

Բարավորը պահպանված է գրեթե ամբողջությամբ, թեթևակի վնասված է միայն ձախակողմյան հատվածը, որը, սակայն, չի խանգարում հորինվածքի ամբողջական ընկալմանը: Այն, որ վնասված է անկյունային նեղ հատվածը, հասկանալի է ինչպես խաչի հորինվածքային կենտրոնում տեղադրված լինելուց, նույնպես և ընդհանուր համաչափությունից: Մալաքարի կենտրոնում քանդակված է գրեթե հավասարաթև (փոքր-ինչ ձգված ներքևի թևով) խաչ՝ բարձրացված կարճ ձողի (հիմքի) վրա: Դեպի խաչի կողմերը ծավալվող հորինվածքը համաչափ է: Աջ կողմում ամբողջ բարձրությամբ պարկերված է արմավենու ծառ, ներքևում՝ շուշանածաղիկների «մարգագերին», ձախում՝ նշմարվում են մարդկանց ֆիգուրներ: Հորինվածքը եզրավորված է շրջանակով, բայց ոչ ամբողջական, քանի որ այն չի ընդգրկում ներքևի հորիզոնական հատվածը, և եթե հորինվածքը մուրքի մաս է, ապա պարզ է դառնում, որ շրջանակի կողմնային գույգ եզրագծերը շարունակվել են դեպի ներքև՝ կազմելով մեկ ընդհանուր մեծ շրջանակ մուրքի ու բարավորի համար⁸:

Մասնագիտական գրականության մեջ այս բարավորի հորինվածքը չունի հստակ մեկնաբանում, և միայն առանձին պարկերներն են, որ վերլուծվել են⁹: Թվագրության հարցում հետազոտողները հակված են վերագրելու վաղ՝ Ե-Ջ դդ. ժամանակահատվածին: Մեր ուսումնասիրությունները, այդ թվում նաև տեղում կատարած գնումները ցույց տվեցին, որ հնարավոր է վերծանել Կողբի բարավորի հորինվածքը և համապատասխանաբար հարակցեցնել նաև թվագրությունը: Ներկայացնենք այդ դրույթները:

Առաջին հերթին ուշադրության է արժանի պարկերված խաչի ձևը: Խաչաթևերի վերջավորությունները լայնացած են, իսկ ծայրերը պսակված փոքր նշան (հանգուցանման) ելուստներով: Խաչաթևերի հարման կենտրոնը, ինչպես նաև թևերի լայնացող եռանկյունաձև հատվածները զարդարված են վարդյակներով, կենտրոնինը՝ փոքր, թևերինը՝ խոշոր: Գեղարվեստական մշակման շնորհիվ խաչն ընկալվում է բավական ծավալուն: Նախ այն համեմատաբար բարձր ռելիեֆով է արված, հետո խաչաթևերը ողջ երկայնքով եռանկյունաձև ակոսավոր փորվածք ունեն, որը տեսանելիորեն խորացնում է պարկերը: Բարձր եզրագծերն ավելի են շեշտում պարկերի ընդհանուր ծավալայնությունը, մանավանդ որ խաչը տրված է չեզոք, հարթային ֆոնի վրա: Խաչի ձևի հստակությունը, արտահայտիչ ուրվագծերը, խաչաթևերի երկայնքով դեպի կենտրոն կտրուկ խորացող (անկյան փակ) ակոսավոր փորվածքը խոսում են այն մասին, որ այս և նման պարկերների հիմքում, հավանաբար, եղել են մեքսիկյան դրվագված խաչեր (ծիսական)՝ հաճախ թանկարժեք հարդարանքով¹⁰: Այդպիսիները հաճախակի են վաղ բյուզանդական արվեստում:

Թանկարժեք քարերով, գեմայապար խաչեր են պարկերված Հռոմի Սանտա

8 Բարավորի մոտավոր չափերն են 100x58 սմ, որ ընդհանուր առմամբ համապատասխանում է մուրքի բացվածքի լայնությանը: Հաշվի առնելով վերջինիս նեղ լինելը՝ կարելի է ենթադրել, որ այն պարկանել է կողմնային՝ ոչ գլխավոր մուրքին: Այս հարցով խորհրդակցել ենք Ֆ. Տեր-Մարտիրոսովի հետ:

9 Տե՛ս Լ. Ազարյան, Վաղ միջնադարյան հայկական քանդակը, Եր., 1975, էջ 42-43. Ն. Լ. Պետրոսյան, Խաչքար. ծագումը, գործառույթը, պարկերագրությունը, իմաստաբանությունը, Եր., 2008, էջ 36:

10 Այդպիսի տեսակներ է հայտնել Ն. Պետրոսյանը՝ նման խաչերի հնարավոր նախապիպ տեսնելով ակնազարդ ոսկերչական խաչերը, իսկ ձգված համաչափություններով խաչերի համար՝ զարդարուն Ս. Նեղիների ու Թեոդոսիոս 2-րդ կայսեր կողմից կանգնեցված գեմայազարդ խաչը, տե՛ս Ն. Լ. Պետրոսյան, էջ 33, 37:

Պողենցիանայի (402-417թթ.)¹¹ ու Ռավեննայի Ս. Ապոլինարե ին Կլասսի (Ջ դ. կես)¹² խճանկարներում, ինչպես նաև բյուզանդական դեկորարիվ կիրառական արվեստի նմուշների վրա, օրինակ, Էրմիտաժի Ջ դ. արձաթյա ավսեն¹³: Մեկ ուրիշ շար կարևոր գուգահեռ գրնում ենք Կոստանդնուպոլսի Ս. Սոֆիայի քաճարում, որի ներքին արևմտյան պարի վրա՝ մարմարյա շքեղ երեսպարման հորինվաճքում, ներառվաճ Է քարի դրվագագարդման (ինկրուսպացիա) եղանակով արվաճ խաչ (Ջ դ. կես): Բարձր աստիճանավոր հիմքի վրա քանդակվաճ Գողգոթայի խաչը եզրավորվաճ Է վարագոյրներով, ու հարդարվաճ թանկարժեք քարերով (դրանք նաև խաչաթևերից են կախվաճ): Որպես պարպաղիք քարը՝ առկա են խաչաթևերի նշաճն հանգույցները, որը հարկապես կարևորում ենք: Ակնհայտ Է, որ բոլոր վերը բերվաճ օրինակները իրենց պարկերագրական մանրամասներով սերում են մեկ նախարիպից՝ Գողգոթայի՝ Տիրոջ գերեզմանի վրա կանգնեցվաճ խաչից: Նշվաճ բյուզանդական օրինակները վկայում են, որ Երուսաղեմի խաչին են բնորոշ թեաճայրերի ակ-հանգույցները:

Եթե անդրադառնաճք հայաստանյան հուշարճաներին, ապա կարող ենք ասել, որ Կողբի բարավորի խաչը մոտենում Է հայկական վաղ օրինակներին՝ արպահայրվաճ ինչպես լայնացող թևերով, այնպես Էլ, երբեմն, սրորին խաչաթևից ելնող հիմքով (Աշրարակի Ծիրանավոր, Զովունի Ս. Վարդան, բոլորը՝ Ջ դ.): Սակայն ավելի ցայրուն են քարերնորոյունները: Ակնհայտ Է, որ Կողբում արդեն շեշրվաճ Է խաչի ուղղահայացոյունը՝ ի դեմս երկարացվաճ ներքևի մասի, մինչդեռ վաղագույն հորինվաճքների համար դա անպայման հավասարաթև, այսպես կոչվաճ հունական խաչն Է: Եւ եթե Ե-Ջ դդ. օրինակներում խաչի թևերը պարզ են, հազվադեպ են թեաճայրերի եռանկյան միջի կխազնդերը (Երերույք, Փարպի. Ե-Ջ դդ.), ապա Կողբում խաչաթևերը եւ կենրորոնը հարդարվաճ են ճաղիկ-վարդյակներով:

Նայաստանից եւ հարեւան Վիրքից (Քարթլի) հայրնի են ճավալային թեաճվոր խաչեր (հիմնականում դրվագների քեսքով), որոնց թևերն ունեն ճաղկային հարդարում: Դրանք հենց Կողբից պեղվաճ օրինակներն են (այդ թվում նաև Ս. Ասրվաճաճին եկեղեցու պարի մեջ ներառվաճ կոթողի բեկորը՝ համապարասխան հարդարանքով)՝ գարդարվաճ վարդյակով կամ շուշանով¹⁴: Շուշանաճաղիկներով են հարդարվաճ Դվինի¹⁵, Աքորիի¹⁶, Ծորի¹⁷, ինչպես նաև վրացական Բոլնիսի¹⁸ եւ Լամագի-Գորայի¹⁹ թեաճվոր խաչերը:

11 Ц. Г. Нессельтраус, Новая история искусств. Искусство раннего Средневековья. СПб., 2000, ил. 18.

12 В. Н. Лазарев, История византийской живописи. М., 1986, т. 2, ил. 61.

13 А. В. Банк, Византийское искусство в собраниях Советского Союза. Л.-М., 1966, ил. 84.

14 Տե՛ս Ս. Ս. Մնացականյան, Նայկական վաղ միջնադարյան մեմորիալ հուշարճանները, Եր., 1982, նկ. 33 (ա-բ):

15 Տե՛ս Կ. Կ. Ղաֆադարյան, Դվին քաղաքը եւ նրա պեղումները, Եր., 1952, էջ 151, նկ. 133, 134, 136:

16 Տե՛ս Ն. Լ. Պերրոսյան (2008), նկ. 8:

17 Նայաստանին անմիջապես սահմանակից Վրաստանի Մարնեուլի շրջանի Ծոր հայկական գյուղը: Թեաճվոր խաչի բեկորը գնեղ եւ լուսանկարել ենք քեսքում:

18 Н. Чубинашвили, Хандиси (Проблема рельефа на примере одной группы грузинских стел последней четверти V века, VI и первой половины VII века). Тбилиси, 1972, ил. 33.

19 Mepisashvili R., Zinzadse W., Die Kunst des alten Georgien. Leipzig, 1977, S. 239.

Բազմաթերթ բացված ծաղկի տարրերով են հարդարված Կողբի²⁰, Օծունի²¹, Աբորու²² խաչերը, ինչպես նաև Օծունի բազիլիկի արևելյան արտաքին պատի մեջ ագուցված խաչապարկերը²³: Ծաղկային հարդարանքից բացի՝ վերոհիշյալ խաչերից շարքի թևածայրերը, ի տարբերություն ավելի վաղ օրինակների, վերջանում են շրջանաձև կամ, ինչպես Կողբի դեպքում, նշաձև հանգույցներով²⁴:

Այս ամենը խոսում է այն մասին, որ Կոլյալ զարդարարները՝ վարդակներն ու ակ-հանգույցները, խաչի պատկերագրության զարգացման մի որոշակի փուլի են վերաբերում: Բանի որ հայկական վաղմիջնադարյան շար հուշարձաններ չունեն ստույգ թվագրություն, ապա դժվար է նաև դրանք դասակարգել ըստ զարդարարների, մանավանդ, երբ խաչք քառակող կոթողների ու առանձին բեկորների մասին է²⁵: Այս դեպքում մեծապես օգնում են ճարտարապետական կառույցների, մանավանդ թվագրված եկեղեցիների զարդաքանդակները: Ուրեմն առաջնորդվենք այս սկզբունքով:

Նաշվի առնելով Կողբի բարավորի խաչի փոքր-ինչ ձգվածությունը, ընդհանուր համաչափությունը, ինչպես նաև հարդարման տարրերը՝ նշենք ամենամոտ զուգահեռները: Առաջինը Օծունի արևելյան պատի խաչային հորինվածքն է, որը որպես զուգահեռ դիտարկել է դեռ Գ. Շախկյանը²⁶: Կողբի և Օծունի խաչերը նույնամուտ են ընդհանուր համաչափությամբ, մշակման ձևով ու գեղարվեստական մեկնաբանությամբ, վարդակ-ծաղիկների կիրառմամբ, բայց Օծունի օրինակներում չկան խաչածայրերի հավելումները: Բանի որ Օծունի սալաքարը համարվում է վերածարագործված ու թվագրվում է ավելի վաղ, քան եկեղեցին, ապա այն, թվում է թե չի կարող ուղեցույց լինել ժամանակագրական

20 Տե՛ս Մ. Մ. Մնացականյան, նկ. 32 (գ):

21 Տե՛ս անդ, նկ. 30:

22 Տե՛ս Ն. Լ. Պերրոսյան, նկ. 35:

23 Տե՛ս Լ. Ազարյան, (1975), նկ. 68: Օծունի սալաքարը կարևոր զուգահեռ է Կողբի բարավորի համար, քանի որ այսօրվա բացի մյուս զարդարարներից խաչաթևերի փակ կան նաև խոշոր շուշանածաղիկներ:

24 Ինչպես ճիշդ նկատում է Ն. Պերրոսյանը, հայկական խաչապարկերներում համեմատաբար թույլ է արտահայտված կապը ոսկերչական խաչերի հետ ու ավելի ակնհայտ են բուսականացման փորձերը (Ն. Լ. Պերրոսյան, էջ 37-38): Ներառքրական է այն փաստը, որ բյուզանդական ավելի ուշ՝ Ժ-ԺԱ դդ. արվեստի նմուշներում գերիշխում են ոչ թե թանկարժեք քարերով, այլ խաչաթևերին վարդակներով խաչերը (Արավիլի փոփոխյա տրիպոլիսը Ժ դ. Փարիզի ազգային գրադարանից, դրվագված մասնադրուիների կափարիչները ԺԱ դ. Էրմիտաժից ու Նոմի Սան Լաբերանոյից, ԺԱ դ. հունական Ավերարանի մանրանկարը Gr. 67 (թ. 14) Պերրոսյանի ազգային գրադարանից (Культура Византии (вторая пол. VII- XII в.). М., 1989, с. 283. А. В. Банк, Прикладное искусство Византии IX-XII вв. М., 1987, ил. 11-12. В. Д. Лихачева, Византийская миниатюра. Памятники византийской миниатюры IX-XV веков в собраниях Советского Союза. М., 1977, с. 30): Արդյո՞ք արևելյան ազդեցությամբ չեն պայմանավորված բյուզանդական պատկերագրության այս փոփոխությունները զարգացած միջնադարում:

25 Մասնագիտական փնտանկյունից այսօր արդեն չի կարող բավարարել նման հուշարձանների ընդհանրական թվագրությունը Ե-Է դդ. ժամանակահատվածով (տե՛ս Զ. Ա. Նալբաջյան, Հայկական քառակող կոթողների թվագրման հարցի շուրջ // Երիտասարդ հայ արվեստագետների գիտական առաջին նստաշրջանի նյութեր, Եր., 2005): Խնդիրն ակնհայտ է արդեն իսկ այն պատճառով, որ Ե-Ջ դ. առաջին կեսի և Ջ դ. վերջին քառորդ - Է դ. ժամանակահատվածները էապես տարբերվում են՝ պայմանավորված պարմական, քաղաքական ու մշակութային զարգացման ընթացքով: Այդ փուլերի տարբերությունը ևս հաջորդականությունը շար ավելի հստակ երևում է եկեղեցաշինության մեջ (А.Ю.Казарян, Собор в Аруче и купольные залы Армении VII в.К вопросу о византийском влиянии // Древнерусское искусство.Византия, Русь, Западная Европа: искусство и культура.СПб., 2002, с.55).

26 Տե՛ս Գ. Շախկյան, էջ 163:

առումով²⁷: Բայց եթե Օծունի հարավային մուրքը պսակող խաչը²⁸, որն իր ձևով համապատասխանում է վերը նկարագրված խաչին, ժամանակակից է կառույցին, ապա ուրվագծվում է է. դ. առաջին կեսը որպես եկեղեցու կառուցման ու հարդարման ժամանակ²⁹:

Նաջորդը Մրենի (639-640 թթ.)³⁰ հյուսիսային մուրքի բարավորի քանդակն է, որպեսզի պարկերված է նմանարիպ համաչափությամբ եւ մշակմամբ, թեւերի ակ-բլթակներով խաչ (Ն. Թ-իերին այն անվանում է կովկասյան տիպի): Մեր ուսումնասիրության համար չափազանց կարևոր այս հորինվածքի սյուժետային մեկնաբանմանը կանոնադաշտումը սպորտն՝ առայժմ առանձնացնելով միայն խաչապարկերը:

Քարթլից որպես զուգահեռ կարևորում ենք Ջվարիի եւ Ծրոմիի եկեղեցիների խաչային քանդակները: Է. դ. առաջին կեսով թվագրվող Ջվարիի Ս. Խաչ եկեղեցին³¹ հայրնի է իր հարավային մուրքի «Խաչի վերացման» տեսարանով, որպեսզի հրեշտակները բարձրացնում են շրջանակի մեջ ներառված խաչը: Չնայած, որ Ջվարիի խաչը հավասարաթեւ է (պարկերագրորեն հարում է վաղ օրինակներին), բայց պլաստիկ մեկնաբանման իմաստով, լայնացող թեւերի, եռանկյունաձև ակունների ու հարկապես խաչաթեւերի ծայրի շրջանակների ձևերով (շրջանակները ուռուցիկ չեն, այլ փոս ընկած) մոտենում է Կողբի օրինակին: Շաքր ավելի համեստ է Ծրոմիի որմնաքանդակը, որը համաձայն եկեղեցու՝ թվագրվում է 626-634/5 թթ.³²: Չնայած, որ Ծրոմիի եկեղեցու եւ՝ արեւմտյան, եւ՝ հարավային մուրքերը պսակված են խաչով (կրկնակի արմավաճյուղերով թեւավոր խաչ³³), սակայն կարևորում ենք առաջինը, որպեսզի առկա է նույն համաչափությունը, ինչ Կողբում: Այն թեւաձայրերի հանգույցներով խաչ է՝ բարձրացված աստիճանավոր հիմքի ու կարճ ուրքի վրա³⁴: Վերը բերված օրինակները հաստատում են, որ Կողբի բարավորի խաչն իր նմանօրինակներն ունի Է. դ. հուշարձաններում եւ պարկերագրորեն սերում է Գողգոթայի խաչից:

27 Տե՛ս Գ. Պախյան, Классификация рельефов Одзунской церкви // Научные сообщения, вып. X, М., 1978, с. 27-28. Նամաձայն այս եւ որիչ եղիմակների՝ Օծունի բազիլիկը թվագրվում է Զ. դ. վերջ, իսկ եկեղեցու արեւելյան սալաքարը, որ վերաօգտագործված է, թվագրվում է ավելի վաղ, քան Զ. դ. երկրորդ կեսը: Քանի որ Օծունի թվագրության հարցում արվել են ճշգրտումներ՝ վերագրելով այն Է. դ. առաջին կեսին (Ա. Յ. Կազարյան, Храм VII в. в Мастасре и его место в зодчестве Закавказья и Византии // Древнерусское искусство. Византия и Древняя Русь. СПб., 1999, с. 123), ապա ինքնըստինքյան առաջանում է նաեւ Օծունի եկեղեցու մեջ ագուցված սալաքարերի թվագրման հարցը, որը, սակայն այլ հետազոտության նյութ է:

28 P. Donabédian, L'âge d'or de l'architecture arménienne VIIe siècle. Marseille, 2008, fig. 446, 450.

29 Տե՛ս 28 ծանոթ.:

30 Ի. Օրբելի, Багаванская надпись 639 г. и другие армянские ктиторовские надписи VII в. // И. Орбелли, Избранные труды. Ереван, 1963, с. 386, 395-401.

31 Ջվարիի եկեղեցու թվագրության հարցում կան փարաձայնություններ, քանի որ մի շարք վրացի գիտնականներ հուշարձանը վերագրում են 590-604/605 թթ.՝ ցանկանալով արեւելյան այն որպես անկյունային խորշերով քառակոնք տիպի եկեղեցիների վաղագույն օրինակ (Գ. Չուբինաշվիլի, Շ. Ամիրանաշվիլի): Սակայն ելնելով ճարտարապետական հորինվածքի առանձնահատկություններից, պարվիրարտի գործունեության ժամանակաշրջանից, ինչպես նաեւ եկեղեցին Ս. Խաչին նվիրելու հանգամանքից՝ ճիշտ է թվագրել Ջվարին Է. դ. առաջին կեսով (641 թ.՝ ըստ Ի. Ջավախիշվիլու) Տե՛ս. Ի. Մ. Մուրադյան, Армянская эпиграфика Грузии. Картли и Кахети. Ереван, 1985, с. 23-25. Ա. Յ. Կազարյան, Храм VII в. в Мастаре и его место в зодчестве Закавказья и Византии, стр. 123, примеч. 19.

32 Ս. Գ. Ամիրանաշվիլի, История грузинского искусства. М., 1963, стр. 109.

33 Ծրոմիի հարավային մուրքը պսակող կրկնակի արմավաճյուղերով խաչին հարում է նույն պարկերագրությամբ խաչային հորինվածք՝ ինչ Արուճի եկեղեցու (669 թ.) արեւելյան ճակարին:

34 P. Donabédian, fig. 188.

Այժմ անդրադառնանք Կողբի բարավորի մյուս պատկերներին: Ինչպես նշվեց, աջ անկյունում ներկայացված է մի շքեղ արմավենի՝ երկար, դեպի ներքև թեքված ճյուղեր, ընդգծված խոշոր պտուղներով ծավալայնության պատրանքով արված ծառի բնով: Այն նման է «Խրապաշտական» պատկերի՝ զերծ միջնադարյան վերացական մեկնաբանումից: Նամեմատությունները ցույց են տալիս, որ պատկերման ձևով ու ոճով Կողբի արմավենին առավել մոտ է ոչ թե հայկական արվեստում հայտնի պատկերներին, որոնք ավելի պայմանական ու ընդհանրական են (Քասախի ու Երեբոյքի բարավորները), այլ բյուզանդականին: Այս առումով կարելի է հիշատակել կոստանդնուպոլսյան երկու հուշարձան: Մեկը Յուլիանա Անիկիայի Ս. Պողոկոսին նվիրված քանդակագործ խոյակն է (Ջ դ. 20-ական թ.), որի կենտրոնում արմավենի է՝ շրջապատված բուսական և ծաղկային հարդարանքով, այդ թվում նաև «շուշանածաղկի մարգագեղանով»: Մասնագետները հարկապես շեշտում են քանդակի ծավալայնությունն ու «նարտրալիզմը»³⁵: Նման մի արմավենի էլ կարող ենք տեսնել Թեոդոսիոս 2-րդի բազիլիկից պահպանված քիլի վրա (415 թ.), ուր գտնուկները երկրպագում են արմավենուն³⁶:

Արևելաքրիստոնեական արվեստում, ինչպես նաև հայկական վաղմիջնադարյան քանդակում հաճախ հանդիպող արմավենու պատկերը նշանն է Քրիստոսի հաղթանակի և անմահության, ինչպես նաև խորհրդանիշը դրախտի ու Պաղեստինի՝ Ավերյաց երկրի³⁷: Եթե սրան ավելացնենք նաև Կողբի բարավորի ներքևի մասում պատկերված շուշանածաղիկները, որոնք նույնպես խորհրդանշում են անմահությունն³⁸, ինչպես նաև գալիք դրախտը, ապա իրավացի են ուսումնասիրողները՝ դրախտը տեսնելով Կողբում, ուր հառնում է Կենաց ծառը³⁹:

Չհակադրվելով այս մեկնաբանությանը, որը գալիս է ընդհանուր քրիստոնեական խորհրդաբանությունից, ցանկանում ենք մանրամասնել խնդրո առարկա որմնաքանդակի բովանդակությունը: Այդ պարզաբանումները առաջին հերթին պայմանավորված են Կողբի հորինվածքում առկա պատկերաքանդակներով:

Բարավորի ձախ կողմում նշմարվում են մարդկանց քանդակներ, որոնք մասամբ եղծված են: Քարի վնասվածության պարճառով Լ. Ազարյանը, նկարագրելով Կողբի պատկերաքանդակը, տեսնում է միայն երկու պատկեր⁴⁰: Սակայն տեղում կարարած զննումները ցույց տվեցին, որ դրանք երեքն են՝ երկուսը խաչի ձախ կողմում, իսկ մեկը՝ ձախ խաչաթևի տակ: Կողբի բարավորի ոչ կանոնիկ պատկերազրությունը հիշեցնում է Մրենի եկեղեցու հյուսիսային մուտքի արդեն իսկ հիշատակված հորինվածքը⁴¹, որի

35 Л. А. Беляев, Христианские древности. Введение в сравнительное изучение. СПб., 2000, с. 264-267, ил. на стр. 266.

36 Թեոդոսիոս 2-րդ կայսեր կառուցած բազիլիկը նախորդում էր Ս. Սոֆիային: Այսօր նրա ճարտարապետական հարդարանքի բազմաթիվ դրվագներ, որոնց վրա կան արմավենի, ձգված համամասնությունով ու լայնացող թևերով խաչեր, շուշանածաղիկներ, հավաքված են Ս. Սոֆիայի տաճարին կից տարածքում: Տե՛ս. А. Grabar, Sculptures Byzantines de Constantinople (IV – Xe siècle). Paris, 1963, pl. XV (1).

37 Արմավենու խորհրդաբանության մասին տե՛ս Р. Donabédian, Les Thèmes bibliques dans la sculpture Arménienne préarabe // REArm., t. XXII, 1990-1991, p. 278-279.

38 "Lexikon der christlichen Ikonographie", Band 3, Rom-Freiburg-Basel-Wien, 1971, S. 100-102.

39 Տե՛ս Լ. Ազարյան, էջ 42-43; Р. Donabédian (1990-91), p. 277-279. Ն. Լ. Պետրոսյան (2008), էջ 36, 38, 42.

40 Տե՛ս Լ. Ազարյան, էջ 43:

41 Մեզ համար չափազանց կարևոր է, որ Տոնապետյանը իր վերջին մեկնադրության մեջ զուգահեռաբար

պարկերաքանդակները նույնպես երեքն են, որոնցից մեկը՝ կենտրոնականը, ձեռքին ունի ձողաբարձ խաչ և փորձում է այն կանգնեցնել, նրան են մոտենում երկուսը, որոնցից մեկը նոր է իջել ձիուց, իսկ մյուսը ձեռքին ունի բուրվառ: Հորինվածքի աջ անկյունում քանդակված ռճավորված ծառը Կենաց ծառն է⁴²: Հորինվածքային աննշան փարբերությունը չի խանգարում փնտնել Կողբի և Մրենի քանդակներում նույն սյուժեն ու պարկերագրությունը:

Քանի որ մասնագիտական գրականության մեջ շար և անդրադարձները Մրենի քանդակին, փորձերը հասկանալ վերջինիս պարկերագրական թեման: Բ. Առաքելյանը այսպեղ փնտնում է սգո երթ⁴³, Մ. Սարգսյանը (նրա հեղինակում է Ս. Տեր-Ներսեսյանը)՝ քաճարի հիմնադրումը⁴⁴, Լ. Ազարյանը⁴⁵ և Ս. Մնացականյանը՝ քրիստոնեության ընդունման վկայություն⁴⁶, իսկ Ն. Պետրոսյանը՝ հայրնի որևէ խաչի դիմավորում ու երկրպագում⁴⁷: Հայրնի է նաև Փրանսիացի հեղափոխող Ն. Թ-իերիի մեկնաբանությունը, համաձայն որի՝ այսպեղ իր արձագանքն է գրել միջնադարյան կարեւորագույն իրադարձություններից մեկը՝ Կենարար խաչի վերադարձը Երուսաղեմ⁴⁸: Հերակլ կայսեր պարկերամամբ⁴⁹: Ընդհանուր առմամբ ընդունելով Ն. Թ-իերիի մեկնաբանությունը, որը որոշ պարզաբանումների կարիք ունի՝ ուզում ենք շեշտել, որ այս փեսակերպը վճռորոշ դարձավ և ճիշդ ուղղություն հաղորդեց Մրենի բարավորի հեղափոխ ուսումնասիրության հարցում:

Տամնափնտրելով Կողբի և Մրենի բարավորները, փնտնում ենք, որ երկու դեպքում էս կենտրոնում խաչն է՝ հորինվածքի գաղափարական առանցքը: Դրանից հետո կարեւորվում է ծառի պարկերը, որը Կողբում արձավենին է, իսկ Մրենում՝ ռճավորված Կենաց ծառ, որը թույլ է տալիս խորհրդաբանորեն դրանք նույնացնել⁵⁰: Կարեւոր են նաև մարդկանց ֆիգուրները, որ ուղղված են դեպի խաչը: Ներառված է, որ քննվող երկու հորինվածքներում դրանք երեքն են՝ երկուսը պարկերված են խաչի, իսկ երրորդը՝ փոքր: Մրենի քանդակի այս մանրամասնի վրա ուշադրություն է դարձրել Թ. Թորամանյանը՝

ներկայացրել է Մրենի և Կողբի մեզ հեղափոխող քանդակները՝ հասարակելով այսպեղ նույն բովանդակության առկայությունն ու նույն դարաշրջանին պարկանելու փաստը: Տե՛ս P. Donabédian, L'âge d'or de l'architecture arménienne VII^e siècle. Marseille, 2008, էջ 178:

42 Լ. Ազարյանը մեկնաբանում է այն որպես Դավիթ կամ Հին Կրակարան, իսկ Ն. Պետրոսյանը՝ որպես գալիք կամ Երկնային դրախտ: Տե՛ս Լ. Ազարյան, էջ 63. Ն. Լ. Պետրոսյան, էջ 51:

43 Տե՛ս Բ. Ն. Առաքելյան, Հայկական պարկերաքանդակը 4-7-րդ դարերում, Եր., 1949, էջ 70-71:

44 Տե՛ս Մ. Սարգսյան, Մրենի քաճարի հիմնադրների պարկերաքանդակները // ՊԲՇ, թ. 4, էջ 247. S. Der-Nersessian, L'art Armenien (reprint), Paris, 1989, էջ 56:

45 Տե՛ս Լ. Ազարյան, էջ 63:

46 Մեկնաբանելով Մրենի հյուսիսային բարավորի հորինվածքը՝ որպես քրիստոնեության հասարակման փեսարան, Ս. Մնացականյանը փնտնում է այսպեղ Կամարական ավազ իշխանին, որը Տրդատ թագավորի և Գրիգոր Լուսավորչի ներկայությամբ բարձրացնում է խաչը՝ որպես իր երկրում քրիստոնեության փարածման նշան: Տե՛ս Շ. Մ. Մնացական, Предания о распространении христианства в скульптуре средневековой Армении. «Հանրապետական 5-րդ. գիտական կոնֆերանս» նվիրված Հայաստանի մշակույթի և արվեստի պրոբլեմներին», Զեկ. թեգեր, Եր., 1982, էջ 372-373:

47 Տե՛ս Ն. Լ. Պետրոսյան, էջ 51:

48 N. Thierry, La Cathédrale de Mren et sa Decoration // Cahiers Archéologiques, 1971, vol. 21, p. 69-75.

49 Այն, որ մասնագիտական գրականության մեջ չի ձեռնարկվել Մրենի որմնաքանդակների հսկայական մեկնաբանություն, պայմանավորված է հորինվածքների ոչ կանոնիկ բնույթով և արևելաքրիստոնեական արվեստում նման պարկերագրական զուգահեռի բացակայությամբ:

50 Տե՛ս Լ. Ազարյան, էջ 42:

ենթադրելով, թե «...*պարկերված է մի երեխա*»⁵¹: Պարկերաքանդակների մասշտաբային անհամապատասխանությունը չի կարող պայմանավորված լինել փաթեթային փաթեթությամբ կամ հորինվածքի խիստ դասավորությամբ, քանի որ գոնե Մրենում այն ավելի քան ընդարձակ է: Այն կարելի է թերևս բացատրել պարկերված անձանց գրաված դիրքով, մանավանդ, որ միջնադարի համար բնորոշ էր հինարախիկ սկզբունքը: Սակայն անհամապատասխանությունն այն է, որ հենց փոքր պարկերն է թե՛ Կողբում, թե՛ Մրենում մոտ կանգնած խաչին՝ գրավելով ամենապարզավոր տեղը:

Պարկերագրական այս յուրահարկությունը հնարավոր եղավ հասկանալ միայն -Բ. Մարանցիի⁵² Մրենի հյուսիսային բանդակի վերաբերյալ բոլորովին վերջերս կատարած մի ուսումնասիրության շնորհիվ⁵³: Նեղինակը մեջբերել է Թ. դ. լադիներեն տեքստ՝ նվիրված Խաչի վերադարձի պատմությանը, որ կառուցված է միջնադարյան հրաշապարտմի ոգով: Այն ներկայացնում է Խաչի վերադարձի գազաթնակերային պահը, երբ Երուսաղեմի դարպասները հանկարծ փակվում են Ներակի առջև, և միայն երբ նա հրաժարվում է իր կայսերական հարուստ հանդերձանքից, դարպասները բացվում են, և վերջինս մուտք է գործում խոնարհ՝ ինչպես Քրիստոսն էր մտնում Երուսաղեմ⁵⁴: -Բ. Մարանցին բերում է նաև սույն պատմությունը լուսաբանող և առայժմ միակ հայրնի պարկերը՝ Ս. Միքելի 1060թ. Սակրամենտարիումի (պապարագամատույցի) մանրանկարը (ms. 641, fol. 155v, Նյու-Յորք, Փիերփոնթ Մորգան գրադ.,) որ կայսրը գլխաբաց, ուրաքոբիկ ու հասարակ հագուստով մտնում է Երուսաղեմ: Նամաձայն հեղինակի՝ Մրենի բանդակում առկա է, թերևս, այս հրաշապարտմը ներկայացնող առավել վաղ պարկերագրական փաթեթակ:

Լիովին ընդունելով Մրենի հյուսիսային բարավորի, իսկ այժմ՝ նաև Կողբի բարավորի սյուժեկային անմիջական կապը Կենարար խաչի վերադարձի պատմության հետ, կուզենայինք անել որոշ ճշգրտումներ: Նամաձայն ենք, որ երկու դեպքում էլ հորինվածքի կենտրոնում՝ անմիջապես Խաչի մոտ, Ներակ կայսրն է, իսկ նրա փոքր չափերն ու գլխաբաց պարկերված լինելը, ինչպես արդարացի նշում է -Բ. Մարանցին, նշան է կայսր խոնարհության և հնազանդության: Սակայն համաձայն չենք Ն. Թ-իերիի այն մտքի հետ, որ մյուս երկու ֆիգուրները ներկայացնում են նորից Ներակին (ձիուց իջնելիս) և Երուսաղեմի պարրիարք Մողեսպին (բուրվառը ձեռքին)⁵⁵: Նամոզված ենք, որ հայկական այս երկու հուշարձանները՝ միավորելով հայրնի իրադարձությունների ինչպես համաքրիստոնեական ու բյուզանդական, այնպես էլ հայկական ընկալումները, ստացել են ինքնարիպ պարկերագրական լուծում: Արդեն, այն, որ նույն պարկերագրությամբ հայրնի

51 Տե՛ս Թ. Թորամանյան, Նյութեր հայկական ճարտարապետության պատմության, Եր., 1948, էջ 189:

52 Շնորհակալություն եմ հայտնում Քրիստինա Մարանցիին, դեռևս փայագրության մեջ գրավող իր հողվածը փրամադրելու համար, որը հնարավորություն փակց ամբողջացնելու սույն ուսումնասիրությունը:

53 Ch. Maranci The Humble Heraclius: revisiting the north portal at Mren // REArm., t. XXXI, 2008 -2009, p. 167-180.

54 Ch. Maranci p. 170-171.

55 J.-M. et N. Thierry, La cathédrale de Mren et sa décoration // Cahiers archéologiques, t. XXI, 1971, p. 76. N. Thierry Heraclius et la vraie croix en Arménie // From Byzantium to Iran. Armenian Studies in Honour of Nina G. Garsoïan, eds. Jean-Pierre Mahé and Robert W. Thomson, Atlanta, GA, 1997, p. 169-171.

են երկու քանդակային հորինվածք Նայասյանում⁵⁶, բացառում է պարահանությունը և հասարակում ձևավորված որոշակի ավանդույթի փաստը:

Նամադրելով վերը հիշարակված մանրանկարը Մրենի և Կողբի հորինվածքների հետ՝ նկատում ենք ընդհանրություններ, բայց և տարբերություններ: Մանրանկարում Ներակլին հերկում է շքախումբը, մինչդեռ հայկական քանդակներում ուղեկցողները միշտ երկուսն են, մանրանկարում պարկերված է Երուսաղեմ քաղաքը, որը կարևոր է նեղ սյուժեային իմաստով, իսկ հայկական օրինակներում Ավերյաց երկրի կամ Դրախտի խորհրդանշական պարկերն են, որն արտահայտում է իմաստային ավելի լայն դաշտ: Նիրավի, հայկական երկու բարավորներն էլ ներկայացնում են Կենտարար Խաչի վերադարձը Ներակլի կողմից՝ վերաիմաստավորված հայկական իրականության ներքո:

Այն, որ Մրենի և Կողբի քանդակների երկու «ուղեկցող» պարկերները անմիջական առնչություն ունեն հայկական իրականության հետ, կարելի է դարձնել մի շարք պարկերագրական առանձնահատկություններից: Առաջինը Մրենի քանդակի ձախ կողմի ֆիգուրի գլխի չալմայարիպ գլխարկն է⁵⁷: Գլխարկի այս ձևը, որը կարևոր պարկերագրական մանրամասն է, գրավել է նաև Ն. Մատի ուշադրությունը Մրեն այցելության ժամանակ⁵⁸: Նայրնի է, որ արևելյան կառավարիչները կրել են նման գլխարկներ⁵⁹, մասնավորապես, հայկական Բագրատունիներն ու, միգուցե, նաև նրանց նախորդող իշխանները: Արևելյան ոճի է, համաձայն Ն. Թիերիի, նաև վերջինիս հանդերձանքը, հարկապես տարբար՝ հավաքված ճյուղավոր կոշիկների մեջ⁶⁰: Սրանից բացի կարևոր է հեծյալ լինելը: Եթե Բյուզանդիայում որպես հեծյալ պարկերվել է կայսրը⁶¹ (թերևս դա է հուշել Ն. Թիերիին տեսնել այսպես Ներակլին), ապա հայկական արվեստում դա ավանդաբար բարձրաստիճան իշխանն է⁶², իսկ ձիուց իջած լինելը նորից խոնարհության նշան է: Կողբի քանդակում պարկերները նույնպես կրում են գլխարկներ և քանի որ բարավորը եղծված է այս հարվածում, ապա դարձվել ուրվագծից դրանք կարելի է նմանեցնել չալմայի: Ինչ վերաբերում է Մրենի քանդակի ձիու պարկերին, ապա շար

⁵⁶ Բոլոր հեղինակները անպայմանորեն նշել են Մրենի հորինվածքի եզակի կամ բացառիկ լինելը, իսկ Ս. Տեր-Ներսիսյանն այն բնորոշել է նույնիսկ որպես «*hapax*»: Տե՛ս S. Der-Nersessian, էջ 58-59:

⁵⁷ Նշենք, որ Ն. Թիերին այսպես էր տեսնում է խույր (բաց թագ)՝ նման բյուզանդական թագի: Տե՛ս J.-M. et N. Thierry, էջ 75:

⁵⁸ Տե՛ս Н. Я. Март, Ани. Л.-М., 1934, էջ 60, ծան. 198:

⁵⁹ Բացի հայրնի հայկական օրինակներից՝ չալմայով պարկերված են, օրինակ, վրացական Բագրատունիներից Աշոտ Կախբե Տերթիկ եկեղեցու քանդակում Ժ դ. (Տե՛ս Н. А. Аладавили Монуменальная скульптура Грузии. Сюжетные рельефы V-XI веков. М., 1977, ил. 71) և պրոպոսալարիոս Միքայել Սկեպիդիսը Կապադովկիայի Կարաբաշ-Կիլիս եկեղեցու որմնանկարում 1060-1061 (Տե՛ս N. Thierry, La Cappadoce de l'antiquité au Moyen Age. Brepols, 2002, p. 189-190, sch., 71).

⁶⁰ Որպես գուգահեռ՝ Ն. Թիերին նշում է Ջվարիի եկեղեցու պարվիրատուների հանդերձանքը, որին կարող ենք ավելացնել նաև Շիրակի կոթողների կրիտորական պարկերները: Բնութագրելով նման հանդերձանքը պարսկական, Ն. Թիերին հանգում է այն եզրակացության, որ նման հանդերձանքն անհրաժեշտ էր Ներակլին գինևորական վարժանքների և իր ռազմական արշավանքի համար: Տե՛ս N. Thierry (1997), էջ 167:

⁶¹ А. Грабар, Император в византийском искусстве (перизд. А. Grabar L'empereur dans l'art Byzantin Paris; 1936). М., 2000, с. 64-72.

⁶² Տե՛ս Զ. Նալոբյան, Նեծյալի կերպարը միջնադարյան հայ արվեստում: Նայ-պարսկական պարկերագրական առնչությունների խնդիրը «Նայագիւրական և իրանագիւրական առաջին միջազգային գիւրաժողով»: Նյութերի ժողովածու, Սյսիան, 2008:

մուր գուգահեռ է քանդակի բեկորը Դվինից (Զ-Է դդ.)՝ ձիու մարմնի, ինչպես նաև լծվածքի մանրամասն ներկայացմամբ⁶³:

Մրենի մյուս՝ աջ կողմի ֆիգուրը, վստահաբար հոգեւորական է՝ համաձայն բուրվառի ու երկար, ամբողջությամբ ուրբերը ծածկող հանդերձանքի: Եթե Մրենում երկու մեզ հեղափոխող ֆիգուրները պարկերված են խաչի փարբեր կողմերում, ապա Կողբում դրանք ներկայացված են կողքկողքի, միանման դիրքով, միասրիպ հագուստով և գլխարկներով, որը թույլ է պալիս րեսնել այս անձանց հավասար դիրքում, իրար հետ փոխկապակցված: Կարծում ենք, որ պարկերաբանականների բաշխման սկզբունքը Կողբի հորինվածքում՝ ավելի քան Մրենում, համոզիչ է դարձնում նշված երկու պարկերների «նույն համայնքին» պարկանելու գաղափարը:

Այսպես րեղին կլինեք վերադառնալ Մ. Սարգսյանի եզրակացություններին, որը համադրելով Մրենի երկու մուրքերի քանդակային հորինվածքները՝ եզրակացրել է, որ հյուսիսային բարավորին պարկերված են պարվիրաբաններից երկուսը՝ Դավիթ Սահառունին ու Կալսկոպոս Թեոփիլոսը, որոնք ներկայացված են նաև գլխավոր՝ արեւմտյան մուրքին ու հիշարակված եկեղեցու արձանագրության մեջ⁶⁴: Թեև այլ է Մ. Սարգսյանի մեկնաբանման ընդհանուր իմաստը, սակայն որոշակի րեսանկյունից հեղինակի եզրակացությունները ընդունելի են: Մենք նույնպես կարծում ենք, որ երկու ուղեկցող պարկերները թե՛ Մրենում, թե՛ Կողբում հայագգի բարձրաստիճան անձինք են, որոնցից մեկը վստահաբար Սահառունին է: Այս միտքը հաստատելու համար կրկին վերադառնալք ժամանակի պարմական անցողարձին:

Երբ 614 թ. Երուսաղեմը զավթվեց պարսիկների կողմից, քրիստոնյաները զրկվեցին ամենամեծ մատուրքից՝ Տիրոջ խաչից՝ կանգնեցված Ս. Նեղինեի կողմից: Տասնչորս րարի շարունակ այն գրնվում էր գերության մեջ և միայն, երբ Բյուզանդիան՝ Ներակ կայսեր գլխավորությամբ հաղթեց Պարսկաստանին (628 թ.), Կենարար խաչը հանդիսավոր կերպով վերադարձվեց Հարության րաճար (629/630 թ.)⁶⁵: Այս իրադարձությունը իր նշանակությամբ, թերեւս, նույնանում էր Խաչի գյուրի հետ: Միևնույն ժամանակ, ունենալով համաքրիստոնեական նշանակություն, դրանք անմիջականորեն կապվում էին Հայաստան աշխարհի հետ, քանի որ այսպես էին ծավալվել ռազմական գործողությունների հիմնական մասը և հայ իշխանները ռազմական աջակցություն էին ցույցաբերել հունաց կայսրին⁶⁶: Տրամաբանական է ենթադրել, որ առանձին բարձրաստիճան իշխաններ ու հոգեւոր դասի

63 Н. Степанян, А. Чакмакчян, Декоративное искусство Армении, Л., 1971, ил.16.

64 Մրենի րաճարի արեւմտյան՝ գլխավոր մուրքի ճակարամասում, ունենք մեկ այլ կոթողային որմնաքանդակ, որպես պարկերված են եկեղեցու պարվիրաբանները՝ Դավիթ Սահառունին ու Ներսես Կամարականը, ինչպես նաև Թեոփիլոս Կալսկոպոսը՝ ուղղված դեպի Քրիստոսը և Պողոս ու Պետրոս առաքյալները՝ երկու երեւրակապերների ուղեկցությամբ: Տե՛ս Բ. Ն. Առաքելյան, նկ. 44, И. Орбели, стр.395-401

65 Գրականության մեջ ավանդաբար նշվում է երկու րարեթիվ՝ 629 և 630 թթ.: Ընդունված է նաև, որ Խաչավաչը վերադարձվել է Երուսաղեմ 629 թ. սեպտեմբերի 14-ին, սակայն Ն. Մամի համոզմամբ դա րեղի է ունեցել մարրի 21-ին (630 թ.): Տե՛ս Н. Я. Марр, Антиох Стратиг.Пленение Иерусалима персами в 614 г. Тексты и разыскания по армяно-грузинской филологии, кн. IX // Богословский вестник, т. 3, № 11, 1909, стр.498-499. «Հայ ժողովրդի պարմություն» (հեղապոս՝ ՆԺԴ), հ. 2, Եր., 1984, էջ 301:

66 Հայրենի է, որ այս պարերազմին իր ակրիվ մասնակցությունն է ցուցաբերել գորավար ՄԺԵԺ Գեունին, որ դառնում է նաև Հայաստանի բյուզանդական մասի կառավարիչ 629/30-635 թթ. ժամանակահատվածում: Տե՛ս ՆԺԴ (1984), էջ 296-302:

ներկայացուցիչներ, լինելով Ներակի գինակիցները, պետք է որ մասնակցած լինեին նաև Խաչի հանդիսավոր վերադարձին, որը սկիզբ էր առել Նայասարանից, անցել Բյուզանդիա՝ ճանապարհին ուղղեկցվելով եկեղեցիներում հանդիսավոր ծիսակարարություններով ու ավարտվել Երուսաղեմում՝ Տիրոջ գերեզմանի մոտ: Ներակի Նայասարանով անցած ուղին է⁶⁷, որ «ծնունդ» է տվել Կենարար խաչի մասին բազմաթիվ բանավոր և գրավոր ավանդույթների մի քանի դար անընդմեջ⁶⁸: Դրանց թվին են պատկանում Նացունյաց խաչը, Ծիծեռնախաչը, Ապարանի խաչը, Կարնո խաչը⁶⁹: Նույն այս իրադարձությունները շարժառիթ հանդիսացան նաև մի շարք վանքերի⁷⁰ ու եկեղեցիների⁷¹ հիմնադրմանը Նայասարանում (այդ թվում նաև Կողբի մեզ չհասած եկեղեցին) ու հարևան Վրասարանում՝ հիմնականում նվիրված Ս. Խաչին⁷²:

Ներադարձ հայացքը Խաչի վերադարձի պարմությանը կրկին անգամ հասարարում է այն մեծ արձագանքը, որ եղավ Նայասարանում⁷³. հայրնի իրադարձությունները ժամանակակիցների կողմից ընկալվեցին որպես ոչ միայն համաքրիստոնեական իրողություն, այլ իբրև սևիական պարմություն⁷⁴: Նենց այս տեսանկյունից կարելի է հասկանալ «*ոչ քրիստոսաբանական*» սյուժեն, որ համարել կարող էին պարկերվել բյուզանդական կայսրը և հայազգի բարձրաստիճան անձինք: Կարելի է նաև պնդել, որ Մրենի և Կողբի քանդակներում գործ ունենք պարկերագրական մի հորինվածքի

67 Եթե Ներակի դեպի Պարսկաստան ուղին հայրնի է, ապա նրա վերադարձի ճանապարհը հնարավոր չէ ճշրությունը վերականգնել՝ աղբյուրներում բացակայող տվյալների պարզառով: Ավենայր է միայն այն, որ Արրպարականից ևս շարժվել է Կարին, այնպեղից էլ՝ Բյուզանդիա: Տե՛ս **Я. А. Манандян**, Маршруты персидских походов императора Ираклия, ВВ, т. 3, 1950, էջ 153:

68 **L. Jones**, Medieval Armenian Identity and Relics of the True Cross (9th-11th Centuries) // JSAS, 12, 2001-2002), p. 43-53.

69 Կենարար խաչի հետ կապված գրույցները անցնում են երկու փասնյակից և ձեռավորում այսպես կոչված «Ներակյան» ցիկլը, քանի որ հիշարակում են հունաց կայսրին, նրանից Կենարար խաչի մասունք սրանալու փարբեր պարմություններ են պարունակում վերջինիս անցած ճանապարհի առանձին հատվածների ճշգրիտ հիշարակումներ: Տե՛ս **Н. Я. Мавр**, (1909), էջ 498-502. **Ա. Սահակյան**, «Պարմություն Նացունյաց խաչի» գրույցը և նրա փիլաբանությունը. ՊԲՆ, թ. 4, 1981, էջ 154-155. նույնի, Նացունյաց անվավեր պարմությունը և նրա բանավոր փարբերակը. ՊԲՆ, թ. 3, 1982, էջ 135-139 (ծանոթագրություններում համապարասխան գրականությունը այդ հարցի շուրջ): **L. Jones**, (2001-2002), էջ 43-53:

70 Նայրնի են՝ Վայոց ձորի Ս. Խաչ սրբավայրը, Արրազ գավառի Ս. Խաչը, Կարնո գավառի Խաչկավանքը, Էրզրումից (Դումլիդաղ) ոչ հեռու գտնվող Խաչատիայր լեռն ու Ս. Խաչ վանքը և այլն: Տե՛ս **Նովհան Մաիկոնյան**, Տարնի պարմություն (թարգմ., ներած. և ծանոթ. Վ. Վարդանյանի), Եր., 1989, էջ 109-111. **Ա. Սահակյան** (1982), էջ 135, 138, 141՝ ծանոթ. 13, 142:

71 Նայասարանում կառուցված մի շարք եկեղեցիների արձանագրության մեջ հիշարակվում է Ներակ կայսրը. Ալաման 637թ., Բագավան 639 թ., Մրեն 639-640թթ.: Տե՛ս **И. Орбели** (1963), էջ 395-401 (**С.Т. Еремян**, Заметки к тексту «Хроника Сумбата» «Известия общ. наук Арм. ФАН», №9 (14), 1941, стр. 27-30), իսկ Պարսկաստանից վերադարձի ճանապարհին Վերին Միջագետքի Ամիդա քաղաքում (համապարասխանում է Դիարբեքիրին), 628-ի վերջին-629 սկզբին Ներակը մեծ եկեղեցու հիմք է դնում՝ ի նշան հաղթանակի (**Я. А. Манандян** (1950), стр. 153, примеч. 72):

72 Ս. Խաչին նվիրված եկեղեցիներից մեզ հայրնի են պարմական Շիրակի (այժմ Թալինի շրջան) Զարնջայի է դ. առաջին քառորդին վերաբերող (**Ա. Ղազարյան**, Զարնջայի եկեղեցին և հովհարածեղ վեղարները «Անի», թ. 3-4, 1992, էջ 46-48) և Ջվարիի է դ. առաջին կեսի եկեղեցիները:

73 Կարծում ենք՝ այս իմաստով ոչ պակաս դեր է խաղացել Ներակ կայսրը հայկական ծագումը: Տե՛ս **D. Kouymjian**, Ethnic Origins and the «Armenian» Policy of Emperor Heraclius // REArm, t. XVII, 1983, p. 635-642 նաև համապարասխան գրականությունը այս հարցի շուրջ):

74 **В. А. Арутюнова-Филанян** Повествование о делах армянских. VII в. Источник и время. М., 2004, стр. 96.

հեպ, որն ունի Կրեդական ծագում ու նշանակություն, չնայած խառնված է Կենարար խաչի վերադարձի պարմության վրա, իսկ հորինվածքը՝ կառուցված միջնադարյան խորհրդանշական կանոնների համաձայն:

Ի Կարբերություն Մրենի՝ Կողբի եկեղեցու (որն այսօր գոյություն չունի) կառուցման հանգամանքները, ինչպես նաև պարավիթարուն հայրնի չեն: Սակայն պահպանված բարավորը և նրա զուգորդումը Մրենի հորինվածքի հեպ, ինչպես նաև սրեղծման մոտավոր ժամանակը թույլ են փայլա ենթադրելու, որ այս հուշարձանը պեպք է ինչ-որ կերպ առնչվի կամ Ներակլի Նայասարանում գտնվելու⁷⁵ կամ էլ հենց Սահառունու հեպ⁷⁶:

Վերադառնալով երկու համեմարվող հուշարձաններին՝ նշենք, որ նմանությամբ հանդերձ Մրենի և Կողբի բարավորները ունեն հորինվածքային որոշակի Կարբերություն: Մրենի բարավորի ձգված լինելը նպաստում է հորինվածքի ազապ ծավալվելուն, իսկ շարժուն Ֆիգուրները, նրանց «քայլի» մեջ պարկերված լինելը խոսում է իրադարձությունների «կենդանի» ընթացքի և պարմողական բնույթի մասին: Այս Կարբերությունն արդեն իսկ նկարելի է Մրենի երկու մուրքերի միջև, որտեղ արևմտյան հորինվածքը կանոնի է ու սրարիկ, մինչդեռ հյուսիսայինը՝ շարժուն ու դինամիկ: Մեկնաբանման Կարբերությունը ցույց է փայլա, որ Մրենի հյուսիսային բարավորը սրեղծված է այլ սկզբունքներով, որ այս հորինվածքում պահպանվում է իրադարձությունների արդիականությունը (որն ավելի համոզիչ է դարձնում Սահառունու մասնակցությունը Խաչի վերադարձին): Ի Կարբերություն Մրենի հյուսիսային բարավորի՝ Կողբի հորինվածքը շապ ավելի կանոնի է: Կարելի է նաև ենթադրել, որ Մրենի հյուսիսային բարավորը առաջին փորձն էր Խաչի վերադարձի հայկական վարկածի, որն, անշուշտ, ինքնարիպ ու համարձակ քայլ էր⁷⁷ և ընթացքում ձևոր բերեց որոշակի «կանոնիկություն»:

Դեռևս առկա է Ներակլին ուղեկցող հայագգի անձանց ով լինելը: Անկասկած թե՛ Կողբի, թե՛ Մրենի քանդակներում Ներակլին ուղեկցողները հանդիսանում են իրական պարմական դեմքեր, որոնք ներկայացնում են Նայասարանի *աշխարհիկ և հոգեւոր իշխանություն* հավաքական կերպարը: Առաջնորդվելով հենց այս Կրամաբանությամբ՝ կարելի է այստեղ փնտել ժամանակի երկրի կառավարիչ Դավիթ Սահառունուն (635-639 թթ.) և Կաթողիկոս Եգր Ա Փառաժնակերպուն (630-641):

⁷⁵ Նշենք, որ Տիդիսի պաշարումից հեպո Ներակլը իր գործով գալիս է Գարդման, որը հեռու չէ Կողբափորից, այդտեղից էլ գնում Բերդուջ: Տե՛ս ՆԺՂ, հ. 2, էջ 301, ծան. 137, ինչպես նաև սույն հոդվածի 69-րդ ծանոթագրությունը:

⁷⁶ Այս խմատով հեպաքքրական է Թովմա Արծրունու այն հիշապակումը, որ Աղթամարի հայրնի Կրամարից առաջ եղել են այլ եկեղեցիներ կառուցված Դավիթ Սահառունու կողմից, սակայն դրանցից ամենահրապարիչը Աղթամարին է (Թովմա Արծրունի և Անանուն, Կարմութիս փանն Արծրունեաց, քննական բնագիրը, առաջաբանը և ծանոթագրությունները՝ Մ. Ն. Դարբինյան-Մելիքյանի, Եր., 2006, էջ 322): Այս փատը վկայում է, որ Դավիթ Սահառունին Նայասարանի կառավարիչ լինելու շրջանում եկեղեցիներ է հիմնադրել նաև Սահառունյաց իշխանական փրույթներից դուրս:

⁷⁷ Նայասարանի է դարը ունի բազմաթիվ օրինակներ ինքնուրույն և ինքնարիպ հորինվածքային լուծումների՝ թե՛ եկեղեցական ճարարարապետական հորինվածքների (Ա. Յ. Կազարյան, Архитектура стран Закавказья VII в.: формирование и развитие традиции // Автореферат докторской диссертации. М., 2007), թե՛ քանդակագործական: Նման բացառիկ լուծումներից է, օրինակ, Զվարթնոցի քանդակագարդ գուրին, որ ներդաշնակորեն համադրված են համաքրիստոնեական և ազգային պարկերացումները: Տե՛ս Զ. Նալբոյան, Զվարթնոցի խորհրդարանական կերպարը (Կարկերաքանդակների մեկնաբանման շուրջ). «Էջմիածին», 2006, հունիս (Զ.): Նման մշակութային միջավայրը պայմանավորված էր մի շարք հանգամանքներով՝ այդ թվում քաղաքական իրավիճակով:

Քանի որ Մրենի արևմտյան մուրքի հորինվածքում արդեն ունենք Սահառունու պարկերը՝ հասարակած արձանագրությամբ, չի բացառվում նրա ներկայությունը նաև հյուսիսային բարավորին: Նկատ, չնայած որ Շիրակը Կամասարականներին էր, Ն. Ադոնցի հավաստմամբ Մրեն քաղաքը այդ ժամանակ պարկանում էր Սահառունյաց նախարարական փանը, մանավանդ, որ վերջիններիս փարածքները, նույնպես գտնվելով Այրարատում անմիջապես հարում էին Կամասարականների փրություններին⁷⁸: Կարևոր լրացումներ է անում Նովիանին Դրասխանակերպցին՝ նշելով, որ Մրենի եկեղեցին Սահառունին կառուցել է հենց Ներակլ կայսեր հրամանով⁷⁹: Հայրնի է, որ Դավիթ Սահառունին Հայաստանի բյուզանդական մասի կառավարիչ է նշանակվել նորից կայսեր հրամանով⁸⁰ ու հռչակվել «Իշխան հայոց»⁸¹: Նարեկացի հեղափոխական է այն, որ Սահառունին նաև առաջինն էր, որ կայսրության կողմից սրացել էր կյուրոպաղափի աստիճան, որը նրան առանձնակի բարձր կարգավիճակ էր ապահովում⁸²: Սահառունու մասին տեղեկությունները լրացնում են ասորական որոշ աղբյուրներ՝ հայրնելով, որ Ներակլի երեք գորավարներից մեկն էր ոմն Դավիթ⁸³, իսկ նրա երկար փորինների ծառայությունը պարսկական արքունիքում թույլ էր տալիս հեշտությամբ գտնել Խաչափայրը, ինչպես նաև Երուսաղեմից առևանգված մյուս թանկարժեք իրերը: Կ.Մանգոն և Ա. Սպրատտը համեմատելով հայկական ու սիրիական աղբյուրները՝ եկել են այն եզրակացության, որ խոսքը հենց Սահառունու մասին է⁸⁴: Այդ կարծիքի է և Ն. Թիրի⁸⁵:

Ինչ վերաբերում է Եզր Կաթողիկոսին, ապա նրա՝ այսպիսի պարկերված լինելը նույնպես թվում է հիմնավորված. Եզր Կաթողիկոսը հայրնի էր իր բյուզանդամեր

78 Н. Адонц, Армения в эпоху Юстиниана. Ереван, 1971, с. 306.

79 «Յովիաննու կաթողիկոսի Դրասխանակերպցիոց Պարմութիոն Հայոց», Թիֆլիս, 1912, էջ 80:

80 Համաձայն պարմական տեղեկությունների՝ Դավիթ Սահառունին սկզբնապես հազարպետ էր Հայաստանի պարսկական մասում, սակայն տեղափոխվելով բյուզանդացիների հաջողությունները՝ անցնում է վերջիններիս կողմը: Ներագայում, համաձայն աղբյուրների, նա սպանում է ՄԺԺ Գնունուն՝ փոխարինելով նրան Հայաստանի կառավարիչի պաշտոնում: Տե՛ս «Սյրեփանոսի Տարսնեցոյ, Պարմութիոն», Ս. Պետրեբուրգ, 1885, էջ 86. «Պարմութիոն Սերետի», աշխատասիրությամբ Գ. Վ. Արզախյանի, Եր., 1979, էջ 132-133. Ա. Տեր-Ղևոնդյան, Հայոց իշխան փրիդոսի ծագումը և Հայոց տիրությունը VII դարում. «Բանբեր երեսանի համալսարանի», 1969, թ. 1, էջ 245-247. ՏԺՊ (1984), էջ 301:

81 Հայոց իշխանի իրավասության ճանաչումը կայսրության կողմից նշանակում էր նաև Հայաստանի ներքին ինքնավարություն, որը մեծ նշանակություն ունեցավ Հայաստանի այդ ժամանակաշրջանի հոգևոր և մշակութային կյանքի համար: Տե՛ս Ա. Տեր-Ղևոնդյան, էջ 245-247. ՏԺՊ (1984), էջ 301. Լևոն, Երկերի ժողովածու, հ. 2, Եր., 1967, 77 ծանոթագրություն, էջ 734-735:

82 Այս փաստը առավել եւս հեղափոխական է, քանի որ համաձայն Սերետի՝ Ներակլի նկարմամբ կազմակերպված դավադրության մեջ մեղադրվում էր նաև Սահառունին, սակայն վերջինիս հաջողվում է արդարանալ և արժանանալ բարձր պաշտոնի: Տե՛ս «Պարմութիոն Սերետի», էջ 133:

83 «Ժամանակագրություն Տառն Միխայելի ասորաց պարիսպի», Յերուսաղեմ, 1871, էջ 311-312. J. B. Chabot, Chronique de Michel Le Syrien. T. II, [Paris, 1901], Bruxelles, 1963, p. 427. Histoire Nestorienn. Chronique de Séert. T. II, Turnhout, 1973, p. 556 (նշումը քսի Ն. Թիրիի):

84 A. N. Stratos, Byzantium in the Seventh Century. T. I, Amsterdam, 1968, p. 246-248, 252-253. C. Mango, Deux études sur Byzance et la Perse Sassanide (p. 91-118) et Héraclius, Šahravaz et la Vraie Croix (p. 105-117) // Travaux et mémoires du Centre de recherche d'histoire et civilisation de Byzance, vol. 9, Paris, 1985.

85 N. Thierry (1997), p. 172-176. Այս տեսակետից թվում է նաև լիովին հասկանալի, թե ինչու Ներակլը հեշտությամբ ներում է Սահառունուն, որը նախ մեղադրվում էր իր դեմ ուղղված դավադրության մեջ և որը սպանել էր Հայաստանի կառավարիչ ՄԺԺ Գնունուն, ու անմիջապես նրան նշանակում է այդ պաշտոնում, փոխի կյուրոպաղափի փրիդոս: Արդյո՞ք այս բոլորը Սահառունու մեծ ծառայության դիմաց չէր:

(քաղկեդոն) քաղաքականությամբ (633 թ. Կարինի ժողովը)⁸⁶ և նրա օրոք է, որ Հայոց Եկեղեցին կարողանում է նորից վերամիավորվել մեկ Կաթողիկոսի գլխավորությամբ: Նշանակված լինելով Կաթողիկոս 630 թ.՝ Եզրի անձը ուղղակի կամ անուղղակի ձևով կապվու է Խաչափայրի վերադարձի իրադարձությունների հետ:

Հայրնի է, որ ցանկացած մշակութային երևույթ մեծապես պայմանավորված է որոշակի քաղաքական, քրեական և հոգևոր մթնոլորտով: Է. դ. 30-ական թվականներից սկսած, պայմանավորված Սասանյան Պարսկաստանի անկումով ու արաբների հարձակման պայմաններում Բյուզանդիայի դժվար կացությամբ՝ Հայաստանը ձեռք է բերում որոշակի ինքնավարություն⁸⁷, որն արդեն դարավերջին ընդհարվում է արաբական նվաճումներով: Նենց այս պայմաններում Հայաստանում տեղի է ունենում կարճատև, բայց աննախադեպ մշակութային փայլուն վերելք, որը ժամանակակիցների ընկալմամբ Կենարար խաչի փրկության ու վերադարձի քրամաբանական շարունակությունն էր: Մենք համոզված ենք, որ կար ևս մի կարևոր հանգամանք, որը ստիպում է հայերին վերհիշել իրենց անմիջական դերն ու մասնակցությունը հայրնի պայմանական իրադարձություններին: 636-ին հույները, խուսափելով այս անգամ արդեն արաբական հարձակումներից ու ավերումներից, Խաչափայրը Երուսաղեմից տեղափոխում են Կոստանդնուպոլիս՝ գրկելով քրիստոնյա Արևելքը ամենամեծ սրբությունից⁸⁸:

Եւ այսպես, դիտարկելով Կողբի պատկերաբանակը Է. դ. առաջին կեսի պայմանական իրադարձությունների համարեքստում՝ կարող ենք համապարասխանաբար ճշտել նաև նրա ստեղծման ժամանակը: Վերը բերված օրինակները և համեմատությունները այլ եկեղեցիների հարդարման փառքերի հետ հաստատում են Է. դ. կեսը որպես Կողբի բարավորի ստեղծման առավել հավանական ժամանակ: Այս համեմատությունները նաև թույլ են տալիս եզրակացնելու, որ մոտավորապես Է. դ. առաջին կեսին է, որ հայ արվեստում նախապայությունը տրվում է ձգված համամասնությամբ խաչին, որը պատկերագրորեն սերում է Ս. Նեղինի խաչից⁸⁹: Կարծում ենք, որ ժամանակաշրջանի բոլոր պատկերագրական անդրադարձներն ու աշխույժ հետաքրքրությունը Ս. Նեղինի խաչի նկարմամբ հիմնովի կարող էին նորից պայմանավորված լինել Խաչափայրի ազարագրման

86 Համաձայն աղբյուրների՝ Եզր Կաթողիկոսը կայսեր հետ քննարկել էր եկեղեցիների միության հարցը ու հաղորդվել՝ համաձայն բյուզանդական ծեսի: Ի նշանավորումն այս իրադարձության՝ Կարինի Մայր տաճարին կից հիմնում են Մխարան Ս. Աստվածածին եկեղեցին: Տե՛ս «Պատմութիին Սերբոսի», էջ 102. Վ. Կ. Իսկանյան, Հայ-բյուզանդական հարաբերությունները IV-VII դդ., Եր., 1991, էջ 445-450. **В. А. Арутюнова-Филанян** (2004), стр.86.

87 Ուսումնասիրողների կողմից հարկապես մարմանշվում է երկու փաստաձևեր՝ Է. դ. 20-ական թվ. մինչև 640 թ., մինչև արաբների առաջին արշավանքը, որպես հայ-բյուզանդական շփման գոտի (контактная зона) հաստատման ու աննախադեպ ծաղկման շրջան, իսկ 30-40 թթ. ժամանակահատվածում՝ Հայաստանի փրկարարի աճող ծաղկման ու քաղաքական միասնության հաստատումը: Տե՛ս **Յ. Даниелян**, Армяно-византийские отношения в период заключения армяно-арабского договора. «Вестник общественных наук», № 4, 1988, стр.23. **В. А. Арутюнова-Филанян**, Армения и Византия в VII в.: синтезная контактная зона «Византийский временник», т.61 (86), 2002. **В. А. Арутюнова-Филанян** (2004), էջ 73:

88 Որպես այդ իրադարձությունների արձագանք պետք է դիտել Խաչափայրի մասունքների «հայրնվելը» ինչպես Հայաստանում, այնպես էլ քրիստոնյա աշխարհի փառքեր անկյուններում: Տե՛ս **L. Jones** (2001-2002), p. 43-53.

89 Տե՛ս **Ն. Լ. Պերրոյան**, էջ 37-38:

ու վերադարձի իրադարձություններով՝ հաստատելով Է դարի առաջին կեսը, որպես խաչի պարկերագրության զարգացման որոշակի փուլ:

Այսպիսով, Կողբի հայրնի քանդակը թվագրվում է Է դարի կեսով, եղել է նույն ժամանակահատվածում կառուցված եկեղեցու բարավոր, իսկ նրա պարկերագրությունը, նույնանալով Մրենի փաճարի հյուսիսային մուրքի հորինվածքի հետ, ներկայացնում է Կենարար խաչի վերադարձի պարմության հայկական վարկածը: Կողբի բարավորը, ինչպես նաև Մրենին, ունենալով լոկալ բնույթի պարկերագրություն՝ պայմանավորված ժամանակի քաղաքական ու մշակութային մթնոլորտով, այնուամենայնիվ մնում է միջնադարյան սիմվոլիկ ու կանոնիկ մրաձեղակերպի շրջանակներում՝ հաստատելով Խաչի հաղթանակի համաքրիստոնեական գաղափարը: